



Áherslur B-lista, framboðs Framsóknar og óháðra í Sveitarfélaginu Árborg

Fræðslumál

B-listinn, framboð Framsóknar og óháðra í Árborg leggur mikla áherslu á málefni fjölskyldunnar og þar með fræðslumál. Til að ná sem bestum árangri þarf allt samfélagið að vinna að nánú samstarfi skóla, heimilis og atvinnulífs.

B-listinn leggur áherslu á eftirfarandi:

- ✓ Bjóða uppá leikskólalátt fyrir öll börn í Árborg frá 12 mánaða aldri, til að auðvelda foreldrum að komast aftur út á vinnumarkaðinn.
- ✓ Við hönnun og byggingu skólahúsnæðis, verði lögð áhersla á gott starfsumhverfi og innra starf.
- ✓ Tryggja kennurum viðunandi starfsaðstöðu og efla með því móti gæði skólastarfsins.
- ✓ Endurskoða systkinaafslætti einkum fyrir barnmargar fjölskyldur.

Velferðamál

Framsókn og óháðir í Árborg vilja að Sveitarfélagið Árborg bjóði þá þjónustu sem nauðsynleg er til að tryggja íbúum þess félagslegt öryggi og stuðli að velferð. Leggja ber sérstaka áherslu á velferð barna og snúa við þeirri þróun að líðan barna fari versnandi í skólum. Einnig þarf að tryggja öldruðum áhyggjulaust ævikvöld og bæta þau úrræði sem eru í boði fyrir þennan aldurshóp. Tryggja þarf réttindi fatlaðs fólks og öryrkja.

Setjum X við B fyrir Árborg til framtíðar!

B-listinn leggur áherslu á eftirfarandi:

- ✓ Knýja á um að byggð verði næg hjúkrunar og dvalarrými fyrir aldraða, í takt við íbúapróun.
- ✓ Efla félagslega heimaþjónustu, þannig að aldraðir geti dvalið lengur heima ef þeir svo kjósa.
- ✓ Standa vörð um Heilbrigðisstofnun Suðurlands, á Selfossi, og aukið þjónustuframboð þar.
- ✓ Barnasáttmáli Sameinuðu þjóðanna verði fullgildur hjá sveitarfélaginu.

Æskulýðs, íþróttar og menningarmál

Framsókn og óháðir í Árborg telja að fjárfesting í lýðheilsu skili sér beint inní samfélagið. Góð ímynd bæjarins í gegnum íþróttir og æskulýðsmál er ómetanleg og er „íþróttabærinn Árborg“ eitt af aðalsmerkjum hans. Þessi ímynd þarf að þróa áfram og byggja ofaná. Framsókn og óháðir í Árborg vilja hlúa að þeirri miklu lista og menningarstarfsemi sem er í sveitarfélaginu.

B-listinn leggur áherslu á eftirfarandi:

- ✓ Gera raunhæfa áætlun um uppbyggingu íþróttamannvirkja, í öllu sveitarfélaginu.
- ✓ Efla lýðheilsu fyrir alla með fræðslu og góðu aðgengi að fjölbreyttri aðstöðu.
- ✓ Tryggja að öll börn og unglingar hafi aðgang að íþróttar- og æskulýðsstarfi, óháð efnahag.
- ✓ Ljúka samþættingu skóla og frístundastarfs.
- ✓ Klára menningarsalinn á Selfossi, á kjörtímabilinu í samstarfi við aðra aðila.

Setjum X við B fyrir Árborg til framtíðar!

Umhverfismál

Framsókn og óháðir í Árborg vilja setja skýra stefnu í umhverfismálum í samvinnu við íbúa. Þá er jafnframt löngu tímabært að sveitarfélagið standist lög um fráveitur og skólþ. Einnig þarf að endurskoða allt vinnulag við sorphirðu og flokkun úrgangs.

B-listinn leggur áherslu á eftirfarandi:

- ✓ Öll fráveita sem nú er óhreinsuð út í Ölfusá og út í sjó við Eyrarbakka og Stokkseyri, verði hreinsuð og sameinuð í eina útrás eða fleiri og veitt til sjávar.
- ✓ Unnin verði stefnumörkun fyrir sveitarfélagið í umhverfismálum í samvinnu við íbúa.
- ✓ Bætta flokkun á sorpi og uppsetningu grenndarstöðva. Með því má skapa verðmæti, draga úr kostnaði íbúa við urðun og bæta aðgengi.

Atvinnumál

B-listinn framboð Framsóknar og óháðra í Árborg ætlar í sókn í fjölgun atvinnutækifæra samhliða þeirri miklu íbúafjölgun sem er í sveitarfélaginu, með því að kynna fyrirtækjum þau tækifæri sem eru í sveitarfélaginu, góðum búsetukosti starfsmanna og fjölskyldna þeirra, fjölga lóðum undir atvinnustarfsemi og stuðla að bættum samgöngum. Jafnframt þarf að standa vörð um þá starfsemi sem er fyrir.

B-listinn leggur áherslu á eftirfarandi:

- ✓ Kynna sveitarfélagið markvisst sem góðan valkost fyrir fyrirtæki og stofnanir.
- ✓ Fjölga hálaunastörfum og standa vörð um störf sérfræðinga.
- ✓ Stuðla að aukinni samvinnu og skipulagi ferðþjónustuaðila.
- ✓ Tryggja að ávalt sé nægt framboð lóða undir atvinnustarfsemi.

Setjum X við B fyrir Árborg til framtíðar!

Skipulagsmál

Með aðalskipulagi er sett fram formleg bindandi áætlun um fyrirkomulag byggðar og mótun umhverfis í sveitarfélaginu. Í skipulagsmálum er verið að tengja saman marga málaflokka svo sem samgöngur, atvinnumál, skólamál, umhverfismál og búa þannig til heildræna framtíðarsýn. Framtíðarsýnin og áætlanir um uppbyggingu sveitarfélagsins skulu endurspeglast í skipulaginu.

B-listinn leggur áherslu á eftirfarandi:

- ✓ Aðalskipulag Árborgar 2010-2030 verði endurskoðað til að mæta örri þróun í sveitarfélaginu.
- ✓ Brýnt er að skipulag innviða sé ávallt á undan þörfinni.
- ✓ Unnið verði að svæðisskipulagi með nágrannasveitarfélögum í þeim tilgangi að kortleggja og laða að atvinnustarfsemi á svæðinu.
- ✓ Búa til heildrænt útivistarskipulag m.a fyrir göngu-, hjóla- og reiðstíga.
- ✓ Sýna aðhald í deiliskipulagsbreytingum til að tryggja heildarhagsmuni.
- ✓ Öryggismál séu ávallt höfð að leiðarljósi í skipulagi, þ.m.t eldvarnir og umferðaröryggi.
- ✓ Endurskoða fyrirkomulag og aðgengi almenningssamgangna.

Fjármál

Vönduð áætlanagerð og eftirfylgni með henni er grunnurinn að góðri fjármálastjórnun sveitarfélagsins.

B-listinn leggur áherslu á eftirfarandi:

- ✓ Unnin verði áætlun byggð er greiningu á þróun byggðar og forgangsröðun verkefna.
- ✓ Að álagningarprósenta fasteigagjalda verði endurmetin og þær reglur sem eru í gildi um afslátt frá þeim.
- ✓ Rekstur aðalsjóðs verði ávalt hallalaus.
- ✓ Sett verði tímasett langtímamarkmið um lækkun skulda og þar með vaxtagjalda.
- ✓ Hagræðingarmöguleikar eru til staðar með bættri innkaupastjórn og vill framboðið skoða í því samhengi að ráða innkaupastjóra.
- ✓ Innleiða bætta verkferla við eftirfylgni bæjarfulltrúa með rekstrinum, allt fjárhagsárið.

Setjum X við B fyrir Árborg til framtíðar!

Stjórnsýsla, öryggis- og neyðarmál

Framsókn og óháðir í Árborg ætla að fara að lögum og gæta jafnræðis í sínum störfum. Mikilvægt er að bæta upplýsingastreymi almennt til íbúa og koma upplýsingum til þeirra á aðgengilegan hátt. Lögð er áhersla á að tryggja öryggi íbúanna og þeim sem hér dvelja eins og kostur, t.d. vegna náttúruvá. Öryggis- og neyðarmál er ekki málaflokkur sem brennir á fólki dagsdaglega en hann skiptir verulegu máli þegar grípa þarf til hans. Sveitarstjórnir þurfa að huga að öllum málaflokkum, ekki bara þeim sem eru í deiglu þegar kosningar ganga yfir.

Framboðið vill því leggja áherslu á þetta:

- ✓ Brýnt er að endurgera heimasíðu Árborgar með notandann í huga. Einnig mætti bæta aðgengi að upplýsingum með t.d. reglulegum upplýsingum í héraðsfréttablöðum..
- ✓ Virða jafnræðisregluna og innleiða verkferla sem lúta að því að nefndir bæjarins geti boðað til hverfisfunda um mál sem eingöngu varða tiltekin hverfi.
- ✓ Yfirfara verkferla í tengslum við skyldur bæjarstjórnar og starfsmanna vegna almannavarna sveitarfélaga, bæði innan sveitarfélagsins og við ríkisstofnanir og byggja á reynslunni sem fyrir er.
- ✓ Skýra betur í hverju ábyrgð sveitarfélaga í almannavörnum felst og hvernig samvinnu við ríkisvaldið skuli háttað.
- ✓ Bæta upplýsingar til almennings um forvarnir og viðbúnað á vefsíðu Árborgar og dreifa í hús.
- ✓ Sveitarfélagið Árborg sýni frumkvæði að miðla af reynslu sinni til annarra sveitarfélaga.
- ✓ Skipuleggja betur hvernig sveitarstjórnir hjálpa nágrannasveitarfélögum.



X við B fyrir Árborg til framtíðar!

Setjum X við B fyrir Árborg til framtíðar!